


XUNTA DE GALICIA  
CONSELLERÍA DE FACENDA



Axencia Tributaria  
de **Galicia**

## IMPOSTO SOBRE SUCESIÓN E DOAZÓN

AUTOLIQUIDACIÓN - SUCESIÓN

INSTRUCCIÓN PARA CUBRIR O  
MODELO

Modelo 650



NOTA: As seguintes instrucións recollen a normativa vixente a partires do 1/01/2019. Se se trata de aplicar a normativa anterior a esta data poderá consultar o modelo vixente ata 31/12/2018 na web.atriga.gal → Sucesións e doazóns → Formularios asociados.

Este impreso deberá cubrirse a máquina ou empregando bolígrafo, sobre superficie dura e con letras maiúsculas.

A lei e o regulamento a que xenericamente se fai referencia nesta folla de instrucións é a Lei 29/1987, de 18 de decembro, do imposto sobre sucesións e doazóns e o Real Decreto 1629/1991, de 8 de novembro, polo se aproba o seu regulamento, así como a normativa autonómica reguladora deste imposto contida no texto refundido de disposicións legais da Comunidade Autónoma de Galicia en materia de tributos cedidos polo Estado aprobado polo Decreto lexislativo 1/2011, de 28 de xullo, en virtude das competencias atribuídas a esta Comunidade Autónoma pola Lei 17/2010, de 16 de xullo, do réxime de cesión de tributos do Estado á Comunidade Autónoma de Galicia e de fixación do alcance e condicións da dita cesión.

**Cada habente-causa presentará unha autoliquidación (Modelo 650) e esta terá que referirse á totalidade dos bens e dereitos que adquira. A relación de bens e dereitos farase no modelo D650 e presentarse unha soa relación por causante.**

- (1). Consigne a Delegación da Axencia Tributaria de Galicia ou, se é o caso, a oficina liquidadora de distrito hipotecario que sexa competente.
- (2, 3 e 4). Marque cunha "X" o que proceda segundo o especificado nas páxinas 5 e 6 das instrucións do modelo D650 nas epígrafes "Título Sucesorio" e "Liquidación parcial ou complementaria".  
As liquidacións parciais terán o carácter de ingresos a conta da liquidación definitiva que proceda pola sucesión hereditaria de que se trate.
- (5). Solicitud de prescripción: marque cunha "X" esta opción cando se considere que a declaración que presenta está prescrita.
- (6). Consolidación de dominio: marque cunha "X" no recadro [D] se a consolidación de dominio procede dunha herdanza ou no recadro [C] se procede dunha apartación/pacto de mellora. Deberá cubrir o NIF da persoa usufrutuaria e no apartado "Nº expediente" deberá de cubrir o correspondente á adquisición da núa propiedade.
- (7). Consigne a data de devindicación de acordo co establecido na páxina 4 das instrucións do modelo D650.
- (8). Consigne os datos do suxeito pasivo.
- (9). Consigne a data de nacemento do suxeito pasivo.
- (10). Consigne o parentesco do suxeito pasivo co transmitente ou causante.
- (11). Consigne o número do grupo en función do seguinte cadro:

Grupo I: Descendentes e adoptados, que sexan menores de 21 anos.

Grupo II: Descendentes e adoptados de 21 ou máis anos, cónxuxes, ascendentes e adoptantes.

Grupo III: Colaterais de segundo e terceiro grao, ascendentes e descendentes por afinidade.

Grupo IV: Colaterais de cuarto grao, graos máis distantes e estraños.

- (12). Se o suxeito pasivo ten a condición legal de persoa con discapacidade física, psíquica ou sensorial marque cunha "X" a porcentaxe de valoración. Para estes efectos, considéranse persoas con discapacidade as que teñan a consideración legal de discapacidade cun grao de minusvalidez igual ou superior ao 33 por 100, de acordo co baremo a que se refire o artigo 367 do Texto refundido da lei xeral da seguridade social, aprobado polo Real decreto lexislativo 8/2015, de 30 de outubro.

O grao de discapacidade deberá acreditarse mediante certificado ou resolución expedido polo órgano competente. En particular, considerárase acreditado un grao de discapacidade igual ou superior ao 33 por 100 no caso dos pensionistas da Seguridade Social que teñan recoñecida unha pensión de incapacidade permanente total, absoluta ou grande invalidez e no caso dos pensionistas de clases pasivas que teñan recoñecida unha pensión de xubilación ou retiro por incapacidade permanente para o servizo ou inutilidade. Igualmente, considerárase acreditado un grao de discapacidade igual ou superior ao 65 por 100, cando se trate de persoas con incapacidade declarada xudicialmente, aínda que non alcance o devandito grao, así como nos casos de dependencia severa e gran dependencia, sempre que estas últimas situacións sexan recoñecidas polo órgano competente, de acordo co establecido no artigo 28 da Lei 39/2006, do 14 de decembro, de promoción da autonomía persoal e atención ás persoas en situación de dependencia.

- (13). Consigne en cifras a contía do patrimonio preexistente do suxeito pasivo, valorado na data de devindicación do imposto sobre sucesións conforme as normas do imposto sobre o patrimonio e tendo en conta as regras do artigo 22.3 da Lei do imposto. Se non excede de 402.678,11 euros abondará con consignar a expresión "INFERIOR A 402.678,11" e se é superior a 4.020.770,98 euros abondará con consignar a expresión "SUPERIOR A 4.020.770,98 euros".
- (14). Consigne os datos do causante ou transmitente.
- (15). Consigne os datos do representante.
- [01] - [02] - [03]. Traslade a este recadro o importe que figura nos recadros [01], [02] e [03] respectivamente, do modelo D650.
- [04]. Consigne o resultado da diferenza entre a suma dos recadros [01] e [02] e o recadro [03].
- [05]. Traslade a este recadro o importe que figura no recadro [05] do modelo D650.
- [06]. Consigne o resultado de sumar os recadros [04] e [05].
- [07] - [08] - [09]. Traslade a este recadro o importe que figura nos recadros [07], [08] e [09] respectivamente do modelo D650.
- [10]. Consigne o resultado de sumar os recadros [07], [08] e [09].
- [11]. Consigne o resultado da diferenza entre o recadro [06] e o recadro [10].
- [20]. Consigne a porción hereditaria que corresponda individualmente a cada suxeito pasivo ou, se é o caso, o legado ou a extinción do usufruto, segundo as disposicións testamentarias ou as regras abintestato.

Conforme á regra definida no artigo 27 da Lei do imposto, calquera que sexa a participación e adxudicación que os interesados fagan, considerárase para os efectos do imposto como se se fixesen con estrita igualdade e conforme ás regras reguladoras da sucesión.

Para a valoración da núa propiedade, os dereitos de usufruto ou os dereitos de uso teranse en conta as seguintes regras:

- Valoración do dereito de usufruto temporal: será proporcional ao valor dos bens sobre os que recae, en razón do 2 por 100 por cada período dun ano, sen exceder do 70 por 100.

- Valoración do dereito de usufruto vitalicio: será igual ao 70 por 100 do valor total dos bens cando o usufruario teña menos de 20 anos. Tal porcentaxe minorarase a medida que aumente a idade, na proporción dun 1 por 100 menos por cada ano mais, co límite mínimo do 10 por 100 do valor total.
- Valoración dos dereitos de uso e habitación: o seu valor é o que resulte de aplicar ao 75 por 100 do valor dos bens sobre os que foron impostos, as regras correspondentes á valoración dos usufrutos temporais ou vitalicios, segundo os casos.
- Valoración da núa propiedade: computarase pola diferenza entre o valor do usufruto e o do valor do pleno dominio dos bens.

[21]. Consigne as cantidades percibidas polo suxeito pasivo como beneficiario de contratos de seguros de vida, de acordo coa atribución por suxeito pasivo que se fixo na páxina 11 do modelo D650, epígrafe O<sub>1</sub>. Non se farán constar os seguros exentos.

[22]. Consigne aqueles bens e dereitos que non formando parte da masa hereditaria deban acumularse para os efectos do imposto sobre sucesións, de acordo coa atribución por suxeito pasivo que se fixo na páxina 11 de modelo D650, epígrafe P.

[23]. Consigne o resultado de sumar os recadros [20] e [21].

[24]. Consigne o importe da suma de todas as reducións que os suxeitos pasivos queren solicitar.

[24.a]. Redución por empresa individual ou negocio profesional.

[24.b]. Redución por participacións en entidades.

[24.c]. Redución por adquisición de bens integrantes do Patrimonio Histórico ou Cultural.

[24.d]. Redución por adquisición da vivenda habitual do causante.

[24.e]. Redución pola adquisición dunha explotación agraria e de elementos afectos e as establecidas na Lei 19/1995.

[24.f]. Outras reducións como:

- Redución pola adquisición de terreos rústicos incluídos na Rede Galega de Espazos Protexidos.
- Redución pola adquisición de predios forestais que formen parte da superficie de xestión e comercialización conxunta de producións que realicen agrupacións de propietarios forestais dotadas de personalidade xurídica.
- Redución pola adquisición de bens destinados á creación ou constitución dunha empresa ou negocio profesional.
- Calquera outra redución á que se poida ter dereito distinta das sinaladas.

[25]. Consigne a suma das reducións que correspondan nos supostos de seguros de vida e en función do grupo consignado nas notas (11) e (12), así como outras de carácter persoal, que resulten aplicables, de acordo co seguinte:

[25.a]. Redución do 100 por 100 cun límite de 9.195,49 euros, ás cantidades percibidas polos beneficiarios de contratos de seguros sobre a vida, cando o parentesco co causante falecido sexa o cónxuxe, ascendente, descendente, adoptante ou adoptado. Nos seguros colectivos ou contratados polas empresas a favor dos seus empregados rexerá o grao de parentesco entre o asegurado falecido e o beneficiario.

A redución será única por suxeito pasivo, calquera que fose o número de contratos de seguros de vida dos que sexa beneficiario e non será aplicable cando este teña dereito á establecida na disposición transitoria cuarta desta Lei.

[25.b]. Redución en función do grupo consignado na nota (11).

Grupo I: Adquisicións por descendentes e adoptados menores de 21 anos, 1.000.000 de euros, máis 100.000 euros por cada ano menos de 21 que teña o habente-causa, cun límite de 1.500.000 euros.

Grupo II: Adquisicións por descendentes e adoptados de 21 anos ou máis e menores de 25, 900.000 euros menos 100.000 euros por cada ano maior de 21 ata 24; de 25 anos ou máis, cónxuxes, ascendentes e adoptantes, 400.000 euros.

Grupo III: Adquisicións por colaterais de segundo grao por consanguinidade, 16.000 euros; resto de colaterais de segundo grao, colaterais de terceiro grao, e ascendentes e descendentes por afinidade, 8.000 euros.

Grupo IV: Adquisicións por colaterais de cuarto grao, graos máis distantes e estraños, non haberá lugar a redución.

[25.c]. Consigne a suma doutras reducións de carácter persoal de acordo co sinalado a continuación:

Nas adquisicións por persoa que teña a consideración legal de discapacitada, cun grao de discapacidade igual ou superior ao 33 por 100 e inferior ao 65 por 100 practicarase unha redución de 150.000 euros.

Nas adquisicións por persoa pertencente aos grupos I e II cun grao de discapacidade igual ou superior ao 65 por 100 aplicarase unha redución do 100 por 100 da base imponible, sempre que o patrimonio preexistente do suxeito pasivo non exceda de 3.000.000 euros.

Nas adquisicións por persoa que acredite un grao de discapacidade igual ou superior ao 65 por 100 e non teñan dereito á redución sinalada no parágrafo anterior aplicarase unha redución de 300.000 euros.

Cando na base imponible dunha adquisición mortis causa se integren indemnizacións satisfeitas polas administracións públicas aos herdeiros dos afectados pola síndrome tóxica ou prestacións públicas extraordinarias por acto de terrorismo percibidas polos herdeiros, practicarase unha redución do 99 por 100 sobre os importes percibidos.

Nota aclaratoria en caso de existir pactos sucesorios previos:

Se o suxeito pasivo recibiu previamente, dun ascendente, bens por pacto sucesorio e nun momento posterior recibe novamente do mesmo ascendente outros bens, xa sexa por pacto sucesorio ou herdanza/legado terá que ter en conta as reducións por parentesco e/ou por discapacidade xa aplicadas, segundo corresponda.

[26]. Consigne as cotas satisfeitas con anterioridade polo imposto sobre sucesións, cando uns mesmos bens nun período máximo de dez anos, foron obxecto de dous ou máis transmisións "mortis causa" a favor de descendentes (artigo 20.3 da Lei).

[27]. Consigne o resultado da diferenza entre o recadro [23] e a suma dos recadros [24], [25] e [26].

Nos recadros reservados para a adquisición da núa propiedade, extinción do usufruto e acumulacións, procederase do seguinte xeito:

1.- Cando se adquira a núa propiedade, o adquirente consignará no recadro [13] o resultado de substraer do valor íntegro dos bens, é dicir, do valor total dos bens sen ter en conta a porcentaxe que corresponda á núa propiedade, as reducións que lle correspondan polo seu parentesco co causante e o resto de reducións solicitadas.

2.- Cando se extinga o usufruto e se consolidase o dominio no nu propietario non se consignará ningunha cantidade nos recadros [13] e [14], unicamente se consignará no recadro [15] o tipo medio efectivo de gravame que resultou na adquisición da núa propiedade.

3.- Cando existan bens e dereitos que non formando parte da masa hereditaria deban acumularse para os efectos do imposto sobre sucesións, o adquirente consignará no recadro [13], o resultado de substraer do valor total da acumulación, é dicir, do valor total dos bens da sucesión máis o valor total dos bens que se acumulan, as reducións que lle correspondan polo seu parentesco co causante. Os bens e dereitos que se acumulan computaranse polo valor comprobado no seu día, aínda que variase no momento da acumulación.

4.- Cando concorran nunha mesma sucesión, adquisición de núa propiedade e acumulacións, o valor total dos bens virá determinado polo disposto nos puntos 1 e 3 anteriores.

A esta base liquidable aplicarase a tarifa, e a cota resultante consignarase no recadro [14], a continuación calcularase o tipo medio efectivo de gravame e consignarase este con inclusión de ata dous decimais no recadro [15].

[30]. No caso de que non se adquira a núa propiedade, non se extinga o usufruto ou non procedan acumulacións, aplique a tarifa que figura nos cadros seguintes tendo en conta o grupo en que estea incluído o suxeito pasivo, e consigne o resultado da suma das cantidades obtidas.

Se os suxeitos pasivos están incluídos nos grupos I e II da nota (11), aplicarase a tarifa seguinte:

BASE LIQUIDABLE Ata euros	COTA INTEGRAL Euros	RESTO BASE LIQUIDABLE Ata euros	TIPO APLICABLE Porcentaxe
0,00	0,00	50.000	5
50.000	2.500	75.000	7
125.000	7.750	175.000	9
300.000	23.500	500.000	11
800.000	78.500	800.000	15
1.600.000	198.500	en diante	18

Se os suxeitos pasivos están incluídos nos grupos III e IV da nota (11), aplicarase a tarifa seguinte:

BASE LIQUIDABLE Ata euros	COTA INTEGRAL Euros	RESTO BASE LIQUIDABLE Ata euros	TIPO APLICABLE Porcentaxe
0,00	0,00	7.993,46	7,65
7.993,46	611,50	7.987,45	8,50
15.980,91	1.290,43	7.987,45	9,35
23.968,36	2.037,26	7.987,45	10,20
31.955,81	2.851,98	7.987,45	11,05
39.943,26	3.734,59	7.987,46	11,90
47.930,72	4.685,10	7.987,45	12,75
55.918,17	5.703,50	7.987,45	13,60
63.905,62	6.789,79	7.987,45	14,45
71.893,07	7.943,98	7.987,45	15,30
79.880,52	9.166,06	39.877,15	16,15
119.757,67	15.606,22	39.877,16	18,70
159.634,83	23.063,25	79.754,30	21,25
239.389,13	40.011,04	159.388,41	25,50
398.777,54	80.655,08	398.777,54	29,75
797.555,08	199.291,40	en diante	34,00

No caso de que se adquira a núa propiedade, se extinga o usufruto, ou procedan acumulacións, consignarase neste recadro o resultado de multiplicar o importe que figura no recadro [27] pola porcentaxe que resulte no recadro [15].

[31]. Sinale o coeficiente que corresponda segundo o seguinte cadro en función do patrimonio consignado na nota (13).

PATRIMONIO PREEXISTENTE - EUROS	I e II	III	IV
De 0 a 402.678,11 .....	1	1,5882	2,0000
De máis de 402.678,11 a 2.007.380,43 .....	1	1,6676	2,1000
De máis de 2.007.380,43 a 4.020.770,98 .....	1	1,7471	2,2000
Máis de 4.020.770,98 .....	1	1,9059	2,4000

[32]. A cota tributaria será o resultado de multiplicar a cota íntegra, recadro [30] polo coeficiente, recadro [31].

[33]. Consigne o exceso de cota resultante de aplicar o previsto no artigo 22.2 da Lei do imposto: "Cando a diferenza entre a cota tributaria obtida pola aplicación do coeficiente multiplicador que corresponda e a que resultaría de aplicar á mesma cota íntegra o coeficiente multiplicador inmediato inferior sexa maior ca que exista entre o importe do patrimonio preexistente tido en conta para a liquidación e o importe máximo do tramo do patrimonio preexistente que motivaría a aplicación do citado coeficiente multiplicador inferior, aquela reducirase no importe do exceso".

Esta dedución non será de aplicación, cando o coeficiente (recadro [31]) sexa igual a 1.

[34]. Consigne a diferenza entre o recadro [32] e o recadro [33].

[40]. Consigne unha dedución do 99 por 100 do importe da cota nas adquisicións, incluídas as cantidades percibidas polas persoas beneficiarias de seguros de vida, por suxeitos pasivos que pertencen ao grupo I da nota (11).

[41]. Consigne a diferenza entre o recadro [34] e o recadro [40].

[35]. Cando o contribuínte estea suxeito ao imposto por obriga persoal, poderá deducir a menor das dúas cantidades seguintes:

- O importe efectivo do satisfeito no estranxeiro por razón de imposto similar, que afecte ao incremento patrimonial sometido a gravame en España.
- O resultado de aplicar o tipo medio efectivo deste imposto ao incremento patrimonial correspondente a bens que radiquen ou dereitos que poidan ser exercidos fóra de España, se foron sometidos a gravame no estranxeiro por un imposto similar.

[36.a]. Consigne a cantidade ingresada anteriormente polo suxeito pasivo por liquidacións previas polo mesmo feito imposable.

[36.b]. Consigne a dedución prevista no artigo 26 do Decreto lexislativo 1/2011. Os suxeitos pasivos que soliciten valoración previa ao amparo do artigo 90 da Lei xeral tributaria, pagada a taxa correspondente e presentada a valoración xunto coa declaración do imposto, poderán deducir da cota tributaria o importe satisfeito pola taxa.

[36]. Consigne a suma dos recadros [36.a] e [36.b].

[42]. Consigne a diferenza entre o recadro [41] e a suma dos recadros [35] e [36].

[37.a]. Neste recadro vostede poderá consignar a recarga prevista no artigo 27 da Lei 58/2003, de 17 de decembro, xeral tributaria para o caso de declaración extemporánea (declaración presentada fora de prazo). Se a presentación da autoliquidación se efectúa dentro dos 3, 6 ou 12 meses seguintes ao fin do prazo establecido para a presentación e ingreso, a recarga será do 5%, 10% ou 15%, respectivamente. Se a presentación da autoliquidación se efectúa unha vez transcorridos 12 meses dende o fin do prazo establecido para a presentación, a recarga será do 20%. O importe da recarga reducirase no 25% sempre que se realice o ingreso total do importe restante da recarga no prazo do apartado 2 do artigo 62 da Lei xeral tributaria (segundo o previsto no artigo 27.5 da mesma Lei).

[37.b]. Neste recadro vostede poderá consignar os xuros de mora que se prevén no parágrafo segundo do apartado 2 do artigo 27 da Lei xeral tributaria.

[37]. Consigne a suma dos recadros [37.a] e [37.b].

[38]. Consigne o resultado da suma, se é o caso, do recadro [42] e o recadro [37].

Se solicita aprazamento/fraccionamento marque cunha "X" o recadro que consta ao pé da autoliquidación. Neste caso deberá presentar solicitude de aprazamento/fraccionamento na oficina competente dentro do prazo de presentación do imposto. En caso contrario iniciarase o procedemento de constrinximento.

[1]. Importe ingresado. Consignarase o importe efectivamente ingresado.

## DEVOLUCIÓN DE INGRESOS INDEBIDOS E RECTIFICACIÓN DE AUTOLIQUIDACIÓNS

Cando un obrigado tributario entenda que unha autoliquidación formulada por el prexudicase de calquera modo os seus intereses lexítimos ou dese lugar á realización dun ingreso indebido, poderá, de conformidade co artigo 120 da Lei xeral tributaria, rectificar a autoliquidación e, se é o caso, instar a restitución do indebidamente ingresado de acordo co artigo 221 da mesma lei. As solicitudes de rectificación poderán facerse unha vez presentada a correspondente autoliquidación e antes de ter adquirido firmeza a liquidación practicada pola Administración ou, no seu defecto, de prescribir o dereito da Administración para determinar a débeda tributaria mediante a oportuna liquidación como, se é o caso, o dereito á devolución do ingreso indebido e tramitaranse de acordo co artigo 126 e seguintes do Real decreto 1065/2007, de 27 de xullo, polo que se aproba o regulamento xeral das actuacións e os procedementos de xestión e inspección tributaria e de desenvolvemento das normas comúns dos procedementos de aplicación dos tributos.

Suxeito pasivo	_____	_____	
	NIF	Apelidos e nome	
Domicilio fiscal	_____	_____	
	Rúa/Praza/Avenida. Nome da vía pública	Número	
	_____	_____	
	Concello	Código postal	Provincia

Causante	_____	_____	
	NIF	Apelidos e nome	
Domicilio Fiscal	_____	_____	
	Rúa/Praza/Avenida. Nome da vía pública	Número	
	_____	_____	
	Concello	Código postal	Provincia

## IMPOSTO SOBRE SUCESIÓN E DOACIÓN.

ADQUISICIÓN “MORTIS CAUSA”



**XUNTA DE GALICIA**  
CONSELLERÍA DE FACENDA



**Axencia Tributaria  
de Galicia**

Delegación da Axencia  
Tributaria de Galicia de \_\_\_\_\_

Oficina Liquidadora de  
Distrito Hipotecario de \_\_\_\_\_

## **NON SE ESQUEZA DE INCLUIR A SEGUINTE DOCUMENTACIÓN:**

Modelo 650 de autoliquidación, tendo en conta que debe haber tantos sobres individuais como suxeitos pasivos. Se cobre a epígrafe do representante deberá achegar no momento da presentación, un documento que acredite o outorgamento de dita representación.

## **RECORDE QUE:**

Ingresado o importe das autoliquidacións, os suxeitos pasivos deberán presentar na oficina xestora, nun sobre único para cada sucesión (“sobre principal”), a documentación complementaria á que se fai referencia nas instrucións, cun exemplar de cada autoliquidación practicada.

**Por favor, NON GRAMPE as páxinas da autoliquidación que vaia introducir neste sobre.**

